





事物紀原序

為學之道必本于講學力行為先而於博覽記問之功亦有不容缺者蓋講學所以明其道力行所以進其德然必考究古今事物之理以資其學問之益然後可以曲暢旁通而無窒礙扞格之患矣苟或蓄之不廣記之不博問之不精其於事物之理必懵然莫知其要將見群疑塞心如面墻壁脫逢賓友之談舉一事物為問則張目



緘唇俛首無對顧左右而言他赧然愧慙
良由學力之未至而亦乏記問之功也古
之君子耻一事之弗知故必致知格物以
窮其理尤必該博廣記以資其學二者兼盡
為學之道無偏廢之失矣漢陽推府建安
陳君文輝珍收事物紀原一帙誠為學者
博學之筌蹄也嘗示予曰吾昔奉



命使予江右見此書於祭酒胡先生之館
先生謂吾曰若能熟識此書是可以泛應

專對矣斯時吾公務鞅掌弗暇手錄俾童
子抄之其間錯舛太甚亥豕魚魯莫克分
析子盍為我正之予披閱累日頗得其詳
而於事有虛幻理不可信者及前代官制
之繁駁者言之瑣碎而不切者皆畧之其
於事理有要而失于詳記者則考訂而益之
雖是書悞謬之錄頗正而獲僭妄之咎莫
可逃矣伏惟

當世大人君子幸恕狂僭再加訂正以惠

後學誠萬幸也

正統甲子歲春二月庚申南平趙弼書于
晴川寓館



事物紀原序

宣德庚戌冬余在大學奉

命使江西南昌時國子祭酒顧庵胡先生
致政于家余因公暇謁見先生欣然款留
淪茗言談因出書一帙謂曰此事物紀原
也君亦曾閱否乎余曰久知此書之名未
獲一見先生曰是書不可不讀若能熟記
此非但可以格物致知而亦足以泛應余
遂假卷歸公館玩閱累夕深有所感發信

乎為進德之門庭造道之機要也因抄錄
第以

王事靡盬公務倥傯未暇校讐逮承匱漢
陽嘗有志脩集成編又為聽讞所繫而弗
果乃請前漢陽邑庠掌教南平輔之趙先
生三復訂校辨其魚魯亥豕之訛正其金
根金銀之誤其所載有謬戾者剛而正之
脫簡缺畧則考究增益由是事備而不煩
理明而切實使後學得而觀之誠非小補

余故不敢獨善命子昌繕寫成帙捐俸鳩
工繡梓以廣其傳與天下士夫共之遂識
其顛末如上云

正統甲子歲仲春穀旦湖廣漢陽府推官
建安陳華文輝書



事物紀原目錄

第一卷

凡三門

天地生植門

正朔曆數門

帝王后妃門

第二卷

凡四門

嬪御命婦門

朝廷注措門

治理正體門

利源調度門

第三卷

凡三門

公式始諱門

禮祭郊祀門

崇奉褒冊門

第四卷

凡一門

舞樂聲歌門

第五卷

凡二門

輿駕羽衛門

第六卷

凡二門

旗旒采章門

冠冕首飾門

衣裘帶服門

第七卷

凡二門

學校貢舉門

經籍藝文門

第八卷

凡三門

官爵封建門

勳階寄祿門

師保輔相門

第九卷

凡二門

法從清望門

三省綱轄門

第十卷

凡四門

持憲儲闈門

九寺卿少門

秘殿掌貳門

五監總率門

事物紀原上目錄

終

事物紀原下目錄

第十一卷

凡三門

環元中貴門

橫行武列門

東西使班門

第十二卷

凡二門

節越帥漕門

撫字長民門

第十三卷

凡二門

京郡方域門

觀寺道僧門

第十四卷

凡一門

伎術醫卜門

第十五卷

凡一門

舟車帷幄門

第十六卷

凡一門

什物器用門

第十七卷

凡三門

歲時風俗門

宮室居處門

城市藩衛門

第十八卷

凡三門

農業陶漁門

酒醴飲食門

吉凶典制門

第十九卷 凡三門

博奕嬉戲門

我具兵械門

戰陣攻守門

第二十卷 凡四門附錄

律令刑罰門

布帛雜事門

草木花果門

蟲魚鳥獸門

山海靈恠附錄

右門類併附錄總計五十

事物紀原下目錄 終

歷代考註事物紀原書傳諸儒姓氏

黃帝內傳 軒轅本紀 帝王世記皇甫謐作

周禮周公 禮記月令 二儀實錄

春秋內事 呂氏春秋吳常管子書管仲

淮南子書劉安 列子書 伍希明太乙金鏡經

帝王五運曆年紀 王子年拾遺記王嘉

馬總通曆 史記曆書 後漢天文志

唐志樂志 唐食貨志 唐書會要

宋朝會要 南北史記 文心雕龍

古今雜注 三禮圖 董巴輿服志

東方朔占書 許氏說文許慎杜氏通典

歷代沿革 山海經 隋音樂志

劉向說苑 風俗通 項峻始學篇

郭璞爾雅 漢百官表 春秋左傳

春秋命曆 季氏三秦記 續事始

山堂考索 搜神記于寶作 雀豹古今注

古史考 玉燭寶典 世本

酉陽雜俎段成式 古今藝術圖 博物志張華作

荆楚歲時記

西京雜記

蘇氏演義蘇鷗作

皇圖要覽

桓譚新論

稗官小說

炙轂子傳

楊侃職林

歐陽調藝文類聚

太平御覽

列女傳

梁元纂要

太白陰經

國語

劉公嘉話

列僊傳

本草

遁甲開山記

三五曆記徐整作

高氏小史

國史補李肇作劉斧青瑣

書傳諸儒姓氏畢

事物紀原卷之一上

漢陽府推官建安陳華批點

致仕教諭南平趙弼校正

(天地生植門)

元氣列子曰太易者氣之未見也太初者氣之始也

太始者形之始也太素者質之始也形氣質具而

未離故曰渾淪高氏小史曰太易氣象未分太初

氣象始萌太始氣象初端太素形氣變質太極形

質已具然則元氣之始自太初也徐整三五曆紀

曰歲起提攝氏元氣肇始有神人號天皇氏又遁
甲開山記曰蜀山氏分布元氣也

天地清輕者上為天重濁者下為地中和之氣人循
之不得名曰易以變而為七七變而為九九復為
一一者形變之始也清輕重濁清以陽發故氣冲
為天濁以陰凝故沉為地天地形別謂之兩儀列
子曰視之不見聽之不聞周易繫辭曰易有太極
是生兩儀高氏小史曰兩儀分五運通二體分形
離為清濁二五層紀曰天地混沌如鷄子盤古生

其中一萬八千歲天地開闢陽清為天陰混為地
盤古在其中一日九變神於天聖於地天日高一
丈地日深一丈盤古日長一丈如此一萬八千歲
天極高地極深盤古極長然後乃有三皇此天地
人之始也

四方伍希明太乙金鏡經曰昔燧人氏仰觀斗樞而
定方名東西南北是也然則四方之名蓋始自燧
人氏定之

日月山海經曰東南海之外有羲和之國有女子曰

義和郭璞注云。義和蓋天地始生日月也。

星辰馬總通曆曰。地皇氏定星辰。後漢天文志註曰。

黃帝分星次方中外官。常明者百二十四。可明者三百二十。微星一萬一千五百二十。黃帝創制之大畧也。禮記云。帝嚳既序星辰。蓋地皇氏始定為星辰。人皇又名之。至帝嚳而序之。

星官後漢天文志曰。軒轅始受河圖。閻苞受規。日月

星辰之象。故星官之書自黃帝始。至高陽氏乃使南正重司天。

星次帝王世紀曰。黃帝受命。乃推分星次以定律度。

劉昭補註漢志亦曰。黃帝定星次。即今爾雅所記十二次。與二十八舍之度。皆自黃帝初之也。

宿度王子年拾遺記曰。庖犧氏視五星之文。分略之

度。史記曆書曰。黃帝名宿度。驗匡瓚。謂題名宿度之候。察進退三辰之度。吉凶之驗也。又曰。漢武招致方術士。唐都分天部。漢書音義云。謂分部二十八宿為矩度。而晉書天文志亦曰。庖犧氏立周天曆度也。

陰陽 春秋內事曰伏羲氏定天地分陰陽

書夜 通曆曰地皇氏分晝夜

五行 史記曆書曰黃帝遠立五行起五部應邵曰金

木水火土是也孟康又謂天有四時分為五行

十二辰 事始曰黃帝六子丑十二辰以名月又以十

二獸名屬之

君臣 典略載云孫瓚表曰皇羲以來始有君臣上下

之事由是推之天皇以降雖有其分固已略矣至大

昊始正之也

夫婦 杜佑通典曰燧皇氏始有夫婦之道註云人皇

氏是也

山嶽 王子年拾遺記曰庖犧氏審地勢以定山嶽

山谷 遁甲開山記曰厲山氏產生山谷肇分自此始

正朔曆數門

甲子世本曰大撓造甲子呂氏春秋曰黃帝師大撓

黃帝內傳曰帝既斬蚩尤命大撓造甲子正時月

探五行之情占斗建始作甲乙以名日謂之幹作

子丑以名月謂之支幹支相配以成六旬

歲黃帝定星曆。正閏餘以肇歲事。至堯定四時成歲。書曰。暮三百六旬。又云。以閏月定四時成歲。是則成歲之義。自陶唐始也。

正歷代所尚不同。故所為之正各異。邢昺論語疏。有推鄭康成尚書三帛註。謂舜以十一月。堯以十二月。高辛十二月。高陽十一月。少昊十二月。黃帝十一月。炎帝十一月。女媧十二月。又推易說卦云。帝出乎震。謂伏羲也。建寅之月。又以木之始。則正當從大昊始也。後避秦始皇諱。音從征。今尚云然。

曆 史記黃帝起消息。正閏餘則閏。蓋餘分之月也。黃帝造曆始正之。

月朔 通曆曰。地皇氏分晝夜。以三十日為月朔。高氏小史亦云。

八節 春秋內事曰。伏羲氏建分八節。以文應氣。晉天文志曰。炎帝分八節。以始農功。

氣候 董巴議曰。昔伏羲始造八卦。作三畫以象二十四氣。消息禍福。以制吉凶。禮記月令註曰。昔周公作時訓。定二十四氣。分七十二候。則氣候之起始。

于太昊而定于周公也。

賀正通典曰。漢高帝十月定秦。遂為歲首。七年。長樂宮成。制群臣朝賀。至武帝改用夏正。建寅之月。是則元日慶賀。始於漢高祖也。

八日東方朔占書曰。歲正月一日占鷄。二日占狗。三日占羊。四日占猪。五日占牛。六日占馬。七日占人。八日占穀。其日晴朗溫和。則為蕃息安泰之候。若陰寒慘烈。為病疾衰耗之徵。故杜子美詩曰。元日至人日。未有不陰時。蓋傷時之言也。推此當由漢

世始有其義。

天書國朝會要曰。太中祥符元年十一月。詔以正月三日

天書降。為天慶節。休假五日。宋真宗時也。

李肇國史補曰。唐貞元五年。德宗年也。初置中和節。李泌

傳曰。德宗以前世上已九日。皆大宴集。而寒食多與上

已同。欲以二月多節。自我為古。李泌請以二月朔為中

和節。王溥唐要會曰。貞元五年正月十一日。敕曰。四序

嘉辰。歷代增置。漢宗上巳。晉紀重陽。朕以春方發生。候

惟仲月。勾萌悉達。自今以二月一日為中和節。中者揆

三陽之中。和者。酌仁義之和。因賜大臣戚里刀尺。謂之
裁度。民間以青囊盛百穀瓜果。相遺。號曰獻生子。里閭
作宜春酒。以祭勾芒神。百官集農書。以示務本。

天祺國朝會要曰。天禧元年正月。詔以太中祥符元年四
月一日。天書再降內廷。功德閣。其建為天祺節。一如天
貺節例。乾興元年二月。禮儀院上言。四月一日。天書降
日。節名下一字與御名同。合行回避。詔以天祺節為名。
天貺祥符元年六月六日降兗州。二年五月八日。詔曰。其
六月六日。天書降泰山日。宜令設醮。六月又詔在京及

諸州並賜休假一日。前此遣中使詣宰臣王旦第。特令
中外賜假四年正月。以六月六日為天貺節。在京禁屠
宰九日。詔諸路並禁。後歐陽彪之請也。

伏日曆忌釋曰。四時代謝。皆以相生。立秋以金代火。而金
畏火。故至庚日必伏。庚者。金也。陰陽書言。夏至第三庚
為初伏。第四庚為中伏。立秋後初庚為末伏。故謂之三
伏。史記註有云。六月上伏。秦始皇之所置也。又云。秦穆
公始為伏。又荆楚記云。伏日進湯餅。名為辟惡。蓋周時
無此。至秦乃有之。

冬至通曆曰。地皇氏以十一月為冬至。高氏小史亦云。賀冬。玉燭寶典曰。冬至陰陽百物之始。日極南影有履長之慶。冬至後日漸長。故謂之長至節。復卦主事。蓋陽為君子。陰為小人。一陽生於此日。乃君子道長。小人道消之時也。漢雜記云。冬至陽氣生。而君道長。故賀。然則冬至之賀。是漢制也。

臘。禮記月令。孟冬十月。臘先祖。說文云。冬至後第三戌日是也。廣雅云。夏曰嘉平。商曰清祀。周曰大蜡。秦初曰臘。已而為嘉平。祭部云。漢改為臘。風俗通曰。臘者。獵也。

因獵取獸以祭先祖。或曰。臘者。接也。新故交接。大祭以報功也。蔡邕獨斷云。臘者。歲終之大祭。但送而不迎也。常言伏臘者。皆所以祭祀也。杜甫秋懷詩。伏臘涕漣漣。謂祭先祖而悲泣也。

曆。通曆曰。太昊始有甲曆。揚泉物理論曰。神農氏立曆。曰。漢律歷志。黃帝造曆。董巴曰。伏羲始作八卦。三畫以象二十四氣。黃帝因之。呂氏春秋曰。容成作曆。世本亦云。黃帝內傳曰。既斬蚩尤。乃命容成作曆。以司天也。

曆名。易乾鑿度曰。曆原名握先。記曰。甲子七十六歲為一

紀二十紀為一部。首註云。握先乃曆始之名。猶言無前也。沿革曰。黃帝考星曆。建五行。起消息正閏餘。謂之記調曆。後代因之。漢有太初。唐有麟德等名也。

笑後漢律曆志曰。隸首作筭數。晉律曆志曰。黃帝使隸首作筭數。

九章。魏劉氏曰。庖犧氏始畫八卦。作九九之術。以合六爻

之變。周公制禮。而有九數。九數之流。則九章是矣。一曰

方田。即今方畧田二曰粟布。粟是布。是錢。謂以三曰衰分。此是理會官員

四曰少廣。如今看積米其中。以五曰商功。商其工程。如打土論方子打築。一曰六曰

輸。約其道里七曰盈朒。盈是言。朒是言。數之盈者八曰方程。如算錢。逐件除。不零錢

九曰勾股。此是量山量水。法今

渾儀。唐堯即位。羲和立渾儀。劉氏曆曰。高陽氏造渾儀。黃帝為蓋天。是則渾儀始于高陽氏。至舜則璇璣玉衡以

齊七政。

刻漏。黃帝創漏水制器。以分晝夜。成周之世。棼氏掌之。

以百刻分晝夜。

更點。起于易繫辭。重門擊柝之說。亦自軒轅始也。深刻漏

經云。漏刻之作。蓋肇于黃帝。宣于夏商。之代。周禮有棼

壺氏汪掌刻漏者。

帝王后妃門

皇項峻始學篇曰。天地初立。乃有天皇。張愔帝系譜曰。天地初起。溟滓鴻濛。即生天皇。治世一萬八千歲。此稱皇之始也。

帝由天皇至燧人氏。皆稱皇。故有地皇人皇而燧人氏亦號皇帝。王氏紀曰。稱帝。堯羲氏繼天而王。史記亦曰。帝太昊伏羲氏。此稱帝之始。

皇帝尚書呂刑曰。皇帝清問下民。蓋周穆王始以言。虞也。秦始皇二十六年。初并天下。自以德兼三皇。功過五帝。號曰皇帝。自秦漢以來。至今仍之。

王夏商之前。皆稱帝。自周始降帝為王。然夏啓之甘誓稱王。曰嗟。仲虺之誥。湯曰。惟王不迪。聲色則王之始也。

天子說文曰。古之神聖。母感天而生子。故曰天子。春秋元命包曰。安登生子。人面龍顏。始為天子之稱。帝王世紀曰。神農氏母有嬌氏之女。名曰安登。則天子之稱自炎帝始也。

官家劉向說苑。鮑白令對秦始皇曰。天下官則讓賢。天下

家則世繼。故曰：五帝以天下為官，三王以天下為家。蓋
濟萬機論曰：五帝官天下，故傳之賢；三王家天下，故傳
於子。今指天子為官，亦猶言帝主也。其義始于此。又相
山野錄增文選真宗問出仲容曰：何故謂天子曰官家？對
曰：蔣濟言三皇官天下，五帝家天下，兼三五之德，故曰
官家。隋唐之前，亦云大家，皆以稱至尊也。

五運

通曆曰：太昊以木德王，始有甲曆。五運，項峻始學。

曰：天地初立，有天皇以木王，是則五運之氣自天皇始
也。然天地開闢之初，溟滓鴻濛，萬物未立，五運相乘，實

未詳也。當自太昊為是。王子年拾遺記曰：伏羲以木德
稱王，居東方之舍，養蚕，化叶于木德。其音附甲，號曰木
皇。此宜木德相乘之始也。前漢郊祀志贊曰：劉向之
以為帝出乎震，故庖犧氏始受木德。馮鑑續事始引徐
秀帝王年代圖云：伏羲為百王之首，故易曰：帝出乎震。
即帝王五運，震為木起，自太昊也。又韋子曰：五運二說，
鄒衍以相勝，劉向以相生，自伏羲至顓頊，以木火土金
水相承。漢魏以還，共尊劉說。孟詵錦帶前書亦曰：伏羲
始以木德出乎震，故曰太皞。

所尚歷代帝王為正各異故所尚不同。邢昺論語疏自女
正尚黑推而上之謂伏羲以上未聞論女媧尚白。相
尚赤。黃帝少昊尚白。高陽赤。高辛黑。陶唐白。有虞赤。所
尚自太昊始也。

國號後漢班固典引曰肇命入主五德初始。厥有謚號莫
不開元於太昊。註謂太昊號庖犧。炎帝號神農。黃帝號
軒轅。蓋自燧皇而上止以自名。未為天下之號也。至太
昊始以庖犧氏為號云。

太子唐虞而上皆傳之賢。故無太子之名。夏商之上惟傳

其子。其文畧矣。至周始見文王世子之目。武王繼之稱
太子發。武王名發此其始也。漢天子號皇帝。故其嫡稱皇太子。
漢高帝紀。五年二月甲子。漢王即皇帝位。尊太子曰皇
太子。此其始也。

后春秋命曆序洛書。摘三辟曰。人皇於人。別長九州。離艮
地精。女出為之后。註云。離艮卦之所推也。此稱后之始。
三代以上。亦無其稱。但曰正妃。周人妃曰王后。

妃配也。自太昊制嫁娶之禮。以相配偶。而無以妃名其偶
者。帝王世紀。至黃帝始有元妃次妃之例。

皇后天子之妃曰皇后。周人稱王妃曰后。秦稱皇帝亦稱皇后。后者繼體之君也。周人稱王妃亦以繼天子之後故也。尚書顧命曰：皇后憑玉几。蓋史氏以言成王之以道繼人之後也。漢高帝紀七年：漢王即皇帝位，尊王后曰皇后。

太后 史記秦本紀曰：昭王母芋氏號宣太后。故范曄說：秦王有獨聞太后之語，其後趙孝成王新立，亦有太后用事之說。是則太后之號自秦昭王始也。漢襲秦，故號皇帝亦尊帝母曰皇太后。

太皇 漢因秦事，帝母曰皇太后，故尊祖母曰太皇太后。其禮雖始於漢，實自孝武始也。按史記景帝二年四月壬午，孝文太后崩，高祖之薄后，文帝之母，景帝之祖母也。爾時未號太皇，及武帝即位，迎魯申公議明堂事，司馬遷于儒林傳，乃始稱太皇。蓋實太后好老子言，是太皇之號自漢武始矣。實文帝之后，武帝之祖母也。

太妃 魏以來，諸王之母為太妃。此蓋其始也。司馬氏之晉帝母，其嫡為皇太后，所生母為皇太妃。晉元帝所生母稱夏侯太妃。宋真宗皇帝即位，冊楊貴妃為太妃，亦所

生之母也。

四妃天官后妃四其一為正嫡其三為後宮故帝嘗取象

於此立四妃而正嫡在其中然黃帝初為元妃嫫祖次

妃嫫姆洎形魚氏方雷公則是四妃之制自黃帝始矣

三代有三夫人而無妃漢有貴人魏始置妃比夫人

號唐初皇后之下有貴如淑妃德妃賢妃是為四妃也

貴妃宋孝武孝建三年置貴妃又齊永明元年有司奏

章佩千寶玉明中有司奏淑妃舊擬九棘以

淑妃魏時帝置淑妃齊明中有司奏淑妃舊擬九棘以

淑為溫溫之稱妃為亞后之名進同貴妃加比三司

德妃隋煬帝置德妃后妃傳曰煬帝參詳典故自製美名

有德妃為三夫人。

賢妃唐百官志內宮有賢妃正一品註云因隋制也隋志

及北史亦無此名蓋唐有國之初置也。

公主春秋公羊傳曰天子嫁女於諸侯至尊不自主婚必

使同姓者主之故謂之公主續事始曰自古至周天子

之女未有封邑至周中葉使同姓諸侯主之始謂之公

主也。

長公主蔡邕曰漢帝女為公主姊妹為長公主。職林曰漢制皇女皆封縣公主。儀服同列侯。其尊榮者加號長公主。儀服同郡王。前漢婁敬說高祖以長公主妻單于。武帝亦稱衛長公主。此為長公主之始矣。昭帝後元二年二月戊辰即位。鄂邑公主益邑為長公主。即帝姊為長公主也。建武十五年。光武封武陽公主為長公主。即尊榮之制云。

太主漢武帝始封太長公主。號史記武帝本紀曰。帝以衛長公主妻樂大。自王侯將相以下。皆嘗獻之。余廣之母

武帝姑寶太后女太主之號。自行於漢始明矣。東方朔傳

武帝姑館陶公主號寶太主。

後漢帝女皆封縣公主。其諸王之女。乃為公主。其父得以自主婚也。隋唐以來。雖諸王之女亦封郡縣。但曰某郡某縣主也。

主國漢以來。公主所封皆無封國者。唐書公主傳亦自高祖謂同安公主而下。亦無其事。雖平陽公主有起兵。然佐命之功。不過死加鼓吹而已。至睿宗女華婉。乃劉后所生。始封代國公主。後遂以為常制。

事物紀原卷之一



